

**Uunga siunnersuut: Nappaatit tunillaassortut akiorniarlugit iliuitsit pillugit  
Inatsisartut inatsisaat.  
Peqqissutsimut Naalakkersuisoq  
(Peqqissutsimut Naalakkersuisoq)**

**Akissuteqaat  
(Peqqinnissamut Naalakkersuisoq)**

**Aappassaaneerneqarnera**

Aallaqqaasiutitut Naalakkersuisut sinnerlugit Ilaqutariinnermut Peqqissutsimullu Ataatsimiititaliap isumaliutissiisummik peqqissaartumik suliaqarsimanerat pillugu qujassuteqarusuppunga.

Ataatsimiititaliap isumaqatigiissup allannguutissatut siunnersuut saqqummiutissallugu aalajangiussimagaat maluginiarpara, tamatumalu nassatarissavaa siunnersuummi saqqummiunneqartumi atorunnaarsitsinissamik aalajangersaasoqassasoq, taamaasilluni siunnersuut 1. juli 2023 atuukkunnaarsinneqassalluni.

Naalakkersuisut siunnersuummi aalajangersakkani nappaatinut tunillaassortunut, matuma ataani pingaartumik nappaatinut inuiaqatigiinni peruluutaasinnaasunut qisuariarnissamut isumagininnissamullu sinaakkutinik allanut sanilliullugu siammasissunik tunniussisoqarnera akuersaarpaa. Inatsisartut Siulittaasoqarfiata kiisalu Ilaqutariinnermut Peqqissutsimullu Ataatsimiititaliap tamarmik siunnersuummik inatsisartutigoortumik nakkutilliinissamik aalajangersakkanik imaqartumik suliassanngortitsilluni saqqummiussinissamik kissaateqarpata tamanna Naalakkersuisut akuersaassavaat. Siunnersuulli taama ittoq illua-tungiusunut tamanut naammaginantumik paasissutissiisutigineqassaaq, taamaasilluni akisussaaffiup agguarneqarnera, aningaasaqarnikkut pisariaqartitat kiisalu kinguneqaatissat erseqqissumik saqqummiunneqassammata. Taamaasilluni inatsisartutigoortumik nakkutilliinissamik aalajangiineq paasissutissiiffiusumik tunngaveqarluni aalajangiiffigineqarsinnaassammata. Siunnersuutitut taaneqartutut Inatsisartut 2023-mi upernaakkut ataatsimmiinneranni saqqummiussisoqarnissaa periarfissaassaaq.

Naggataatigut erseqqissaatigissavara inatsisartutigoortumik nakkutilliinissamik siunnersuutissaq akuerineqassappat, Inatsisartuni ataatsimiititaliassaq naleqquttumik eqaattumik sulisinnaanissaa pisariaqartinneqassaaq. Taamaalilluni pisuni ilungersunartorsiorfiusuni ataatsimiititaliaq Naalakkersuisunit nalunaarusiassatut siunnersuutit sukkasuumik suliarinnittarsinnaaniassammata.

Taamatut oqaaseqarlunga Naalakkersuisut allannguutissatut siunnersuutip akuersissutigineqarnissaa inassuteqaatigaat.